

武

備

志

武備志卷一百八十三

防風茅元儀輯

占度載

占三十六

大六壬軍帳賦

上將論戎，傳式論功，測方圓之動靜，辨主客之雌雄。

月將加時，戰雄神者，春寅夏巳秋甲冬亥皆雄，擊雌，戰雌神者，春申夏亥秋寅冬巳也。

吳次臨奇歲剛柔之運轉分兵定偶月支干以研窮

吳爲丑地黃帝初占云陽年以大吉加歲支陰年以小吉加歲支常以四課三傳及占十二邦國各得神吉凶將主之事每陽月子寅辰午申戌是也陰月丑卯巳未酉亥是也以十二天官所臨宮以配前後天官剛柔之月建每月月支臨日之辰用用日上神今日假令巳丑陰年爲用立課日支上神以小吉加丑反爲四柔用對

冲爲初傳，巳上登明將得初傳，騰蛇中傳，丑上見小吉，將得青龍，未傳巳課于未上見大吉，將得天后，此例爲丑占用也。卯上宋國分從魁爲朱雀，主口舌爲反吟，占暮治以從魁見太冲爲白虎，二月忌災，趙分酉位是也。今賊丁火以小吉加丑，卽知大吉臨酉上，趙分見暮神所臨，自亂而破，其十二邦國分皆占所臨神將上下凶惡以決安，其中斗牛宿吳分之丑神小吉中有井鬼，秦分之未神。

亦舉合神、

甲巳乙庚丙辛丁壬戊癸是也、

加月支於南北、

正時加月支、如甲申之年、遁五子元、見正月丙寅、加支法、以歲合神、加月建、以占十二國神、將吉凶成敗、

復推日宿、

月將加正時爲法、自后行宿度差、宜從中氣而乘之、卽得其所治之神、

立用時而東西

觀四正位后七日、用月將正位、更在明哲筭約過官時日、卽無差也、

敵有來使、正時占察、支神制干、卽爲真說、

敵有來使、未知善惡、未審虛實、以月將加正時占之、辰上神制日上神、其言可信、客良主也、

反此情僞、

反之者、日上神克辰上神也、主奸心、其言不可信、

日將朱空而言有欺詐

日上神將見朱雀天空來情有變虛詞欺詐凡此並爲虛詐事不可信也

年角陰行而推窮奸詭

角者天罡陰者太陰加在用神及年命者所言不信謂太陰蔽匿天罡凶神也

下生上神

正寅二卯下生次時上神與日上神相生

知詭詐以休行

一所生必是實情相向多矣

干生於支

日上與辰上神相生

謂陰陽之罷結

二軍無礙陰謀必止

寅申巳亥天耳四時

春寅夏巳秋申冬亥乃天耳也

年上見者來使潛機

天耳日臨辰或人行年上者來使必有奸謀其

言不足信也、

后乙曹衝、

后卽神后、乙卽太乙、功曹太冲四神、

在日辰而詐約、

占敵人相約可往否、曹冲后、乙臨日辰、亦無實、不可往、皆爲奸欺之情、更以察之、

貪狼奸賊

辰未爲奸邪、申子爲貪狼、亥卯陰賊、此爲六賊之神也、

臨支干以虛期、

日辰上見貪狼奸賊皆凶神、

外國人來歲神克乙而禍至、

外國人來投邦者、正時占太歲上神克天乙、假
如太歲在申、五月壬子日、主人殃、不可信也、甲
子日卯時、占壬上見卯、卯上見未、子上見辰、辰
上見申、朱雀空陰神后爲白虎加臨在太歲、乙
乘巳在寅、受在太歲上亥所克、
他兵異情、陰神賊日以愁之、

日辰之陰神自勝其上神者主受賊敗假令七月丙午日申時占丙上見寅寅上見亥午上見卯卯上見子功曹加丙陰神見亥所克丙日之火此爲陰神自勝日主大人不利矣

發使諸方年路支干

發使在外方正時占日辰及使年上去諸路方位忌見凶神也

切忌魁罡次及伏吟

忌見魁罡加臨所向方位及人行年支干亦伏

吟反吟時皆不利

門傷年處道殃行而凶將災深

正時占所去上爲門若門上神傷行人者使年上道必有殃吉將凶殺去將必傷

年制門時滯病歸而吉神是淺

假令人行年在巳所向門路在東方四月酉時占門上見寅年上見辰此乃門神傷行人之年也身必災滯若行人年上神傷門上神行人不安滯病而歸如人年在巳四月丙午日酉時傳

送加酉西行爲使卽是行年傷門上神也、

初宜參觜、

參觜位屬晉宋分、行使發時之初見傳送大吉、
非傳終而吉將堪憑、

加之初傳不見傳送與吉將伴、及中傳見申與
將伴、或其三傳中見申亦須去將併爲上也、

日忌歲傷、

行者使發時日干五行勿令歲所克也、

進支干以到時預選、

假令庚辛日終而不宜丙丁日到傷元發日又
甲乙日發丙日到則吉庚辛申酉日到則大凶
取相生者吉

忽聞賊起天罡之前

天罡天角也以月將加正時視天罡臨處也
臨孟虛誕季則真然

天罡加孟賊不來加季賊來吉

加仲盤桓神后加時便同月將

天罡加孟賊不來或半途遲疑未進又以神后

加正時天罡加孟卽虛加季實加仲半道
欲知行止

要知賊住之位

精圓視處必見心田

精圓者天目也夏丁春乙秋辛冬癸月將加正
時占賊行處天目因察之

井角貴人

井宿秦分小吉角宿天罡鄭分辰未臨日辰賊
必至辰未不臨日辰賊不來

覆支干而賊兵切急

若辰加季、天乙臨日、賊必至、天乙臨日辰加孟、賊去、虛言不至、

玄白制日

玄者、玄武也、白者、白虎也、聞賊兵至時、玄武白虎所來神克日、賊強宜急準備、若我臨他必得、白入熒賊而城壘宜堅、

太白庚神入熒惑、賊必來、熒入丙辰入太白、賊不來、六甲旬庚辛爲太白、丙丁爲熒惑、天上庚

辛加地下丙丁是也。

復察遊都

遊都者甲巳丑乙庚子丙辛寅丁壬巳戊癸申遊都皆以合神取用看旺相休囚死者若臨子丑寅巳申臨辰復日立見賊來無差也。

支干傷吉戴虎並蛇師徒敗績。

遊都臨在日辰賊立至克日辰尤凶與騰蛇白虎並軍驚恐若遊都在死囚之地爲尤凶不克日辰卽無事。

都將死囚、日辰不克、以無驚、或加支干、上下相制、而來疾、

都臨日辰、上下相克制而來疾、

孟仲季所、

遊都臨孟虛不來、加季賊必來、加仲遲疑不來、定虛真總類于天罡、

天罡加孟憂畏、加仲兩相守、加季出戰、

耳目神居、

大小二吉、是天目也、

探消息皆從於地室、

地室耳也、太冲從魁是也、聞賊不知得處、即使騎向天耳之下臨之、必得其賊住止行動、凡聽人密事、向地耳下聽之、准的也、室者、十二支位占天耳所臨之位是也、

不臨支干、

遊都不臨今日支干、

憂合貴神、

遊都與天乙併者賊來、

好鄉必不戰

遊都相生丙丁臨寅卯寅卯臨亥子亥子臨申酉申酉臨戌巳戌巳臨丙丁此爲好鄉不戰

畏所必交塵

丙丁日忌亥子甲乙日忌申酉庚辛日忌巳午戊午日忌寅卯壬癸日忌辰戌丑未父子不相保中外不相信凡遊都天乙併在日辰前一則一日至

若在東方猛殺兮宜堅城壘

聞賊至遊都在東方其賊勢猛也

或當南面威強今速渡關津

聞賊至遊都南其賊威鋒不可近敵也

在西遲疑可賞符將士

遊都在西方其賊遲緩疑未進可行功賞犒設將士

臨北事退得遊玩於良辰

遊都在北方其賊退可極宴樂無虞又須看旺相

天罡天陽地陽月建

王帳經云天罡天陽也

動偶天魁

動偶爲天魁太歲天魁也

靜陰互見

是地陰也

若交相覆君臣驚備於奸謀

若上用兵察地陰者覆陽臣欲害君子欲害父
婦欲害夫若陽覆陰君欲害臣父欲害子夫欲

害婦也。

或自重臨水火隄防於是變。

若值重陽_二法皆凶。重陽時有火驚。重陰時有水驚。若聞賊宜速備也。

功曹加甲陽居日以無憂。

常以功曹加六甲首聞賊占日干上見陽神賊不來也。

旬首承箕在陰干而逢戰。

功曹加甲見陰神臨日干賊必至也。

天地反覆太乙追尋

玉帳經云大吉小吉臨丑未必應藏於軫星巳上也

吳秦子午太冲可任

吳丑地也未皆大吉臨子午賊在太冲下也巳亥見牛於星紀而排陣

一大吉臨巳亥還於大吉停星紀是大吉也辰戌遇井向營室以加心

大吉臨辰戌賊兵伏營室乃亥上是也

卯酉逢聽可掩襲於太簇

大吉加卯酉賊兵在從魁下潛伏太簇乃酉神是也

寅申值耳當備戰於實沈

大吉臨寅申賊兵定是在參星之下參乃申神也

子見賊多支逢寇少若皆占來國分大小

聞賊加正時視亥子二神臨日賊多臨辰賊少又遊都臨辰寇少臨日賊多凡占巳亥上賊四

萬四千四百四十人，辰戌五萬五千五百五十人，卯酉六萬六千六百六十人，寅申七萬七千七百七十人，丑未八萬八千八百八十人，子午九萬九千九百九十人，看得國分野大小，旺相必多，休囚必少。假令春占，木旺火相，土死金囚，水休也。

辰加克日，奇兵須防於後應。

支干辰克賊，在應后又云，支若臨干，賊必襲我後，速宜防備。

日覆於辰，銳卒急當於前途。

干加支，賊必在我之前。又云干加支，賊當道伏藏，宜準備。又云天罡太乙神后太冲四神臨日，賊兵在前，臨辰賊兵在後也。

雀蛇之日

朱雀騰蛇臨日，我兵必驚怖也。

白勾制而血光。

白虎制勾陳臨日，必有兵加辰，賊立在其方有賊相怖謀，切宜預備敵之。

虛軫之辰、

虛子之宿、軫巳之辰、

玄蛇會而兩絞、

正時占見賊巳臨日辰而克日辰者、其賊急畏、未可攻、我宜處阻依隘、從太歲備之、

太乙太冲遇必爭先、

聞賊占見太乙太冲天罡、克不克、賊先至矣、

夜防賊至、兵刃宜占、

一三刑臨日、夜賊斫營、太乙太冲天罡臨日、宜固

備

甲乙聞憂

甲乙日聞賊宜丙丁巳午時擇吉門而出必勝
甲乙木畏其金也

煙怒可除於寇亂

一煙怒熾當見賊以五色利之大勝也

庚辛是知叶光定見破烽烟

庚辛日見賊宜取壬癸亥子時出軍大勝皆是
子夫母前行是也

水土東生

春木旺不可甲乙戊己日東征大凶也

金火西輪今夏月

夏火旺不可丙丁庚辛日南征大凶

甲庚西懼

秋金旺不可庚辛甲乙日西行必敗

丙壬北敗今冬天

冬水旺不可壬癸丙丁日北行大凶四季月不可用戊己壬癸日出兵四維土大凶也

貴人出兵，開地千里。

占時用起見天乙以出兵敵人，千里畏伏，
螣蛇逢陣，憂心衆畏。

正時用起螣蛇，出軍多生驚駭死。

太常粗吉，知軍士之營安。

正時用起太常，出兵營壘固堅，士卒粗安。

六合尤宜，獲金寶之美麗。

正時用起六合出兵，或占得邦國獲金帛子女，
大吉。

青龍大勝得府庫與圖書

正時用起青龍出兵必勝占得邦國府庫圖書成功也

朱雀多詞慮軍戎之大耻

正時發用見朱雀破敵人毀辱見灾

太陰中止玄武失物以憂深

發用太陰出兵士卒怯弱用起玄武出兵遺失士馬奔潰也

天后無威

武備志卷之五
發用天后出兵不戰則敗

白獸自敗而禍起

發用白虎出兵士卒不安乎喪疾也

空亾爲失衆

初傳雖吉中未見空者不可出兵

天空乃毀軍

發用見天空不利出兵士卒死傷被欺詐凌辱之事

勾陳發用則戰士折傷

發用勾陳出兵士卒死亾車馬折傷

天罡加巳則行者獲利

斗柄天罡指巳爲天地初開時出兵開千里之
大勝

縱橫建馬

天罡加午爲縱橫坐甲而不出則吉

坐帳調琴

宜宴樂而備兵防賊

指未必通謂聲名之顯著

天罡加未，未通小吉時，可出軍及備所得也，
向申地迫，言災禍以彌深。

天罡加申，天地小時，又爲道路迫時，不可出軍，
避之卽吉。

值酉西方地關，而車折馬死。

天罡卯酉爲天地關格，不可出師，必有隔絕，人
馬鬧地傷。

反來戌上人垂，而將殃兵傷。

天罡加戌爲天地反吟時，不可出兵，君臣反逆。

父子相違，夫婦情別，奴婢害主，用之相害，出兵
當亂，君臣不利，士卒多傷。

亥上見之，天窄而數傷，驚怖。

天罡加害，爲天地窄時，百事皆凶。

子邊見之地逼，而半地難任。

天罡加子爲地逼時，兵半路恍惚不安也。

丑向通途，三十里宿，來晨任意，神助潛功。

天罡加丑爲天地小通時，共兵三十里宿，來晨
任意前來。

每向寅上、龍見天乙以情權、或到卯上、天地塞門而氣煥、

天罡加卯、爲天地閉塞不通時、宜藏閉可也、
伏吟辰地、關閉塞以潛通、

天罡伏吟時、亦爲天地閉塞時、伏吟守已也、
若守城營、客將憂而自縮、

若守城營、賊將自退、不可出兵、必候賊擒、若近掩襲賊寇、到皆取之、必得遠行吉、

卒逢賊將方處來占、

時下見賊，加正時看從何處來。

輕兵神后

從子上來者，賊將先來，並是輕奇兵。

步卒牽牛

賊從大吉上來，其賊將堅強也。

猛健功曹

賊從功曹上來，其將士猛健也。

車騎長鎗於兔腹

賊神卯上來，有車騎相兼。

急旗角亢

賊從辰上來，必有伏兵急速也。

衛兵變陣於龍頭。

賊從巳上來，名曰龍頭，是太乙也。衛兵者，善能進退變化陣行，宜察而用兵也。

馬隊勝先，大將秦官而坐甲。

賊從午上來，其將武勇，或車馬之衆，當用奇兵待之。

曉捷傳送。

賊從申上來其賊將勇兵銳

大明趙次以運籌

賊從酉上來能明天道酉爲趙地大梁之次也
天魁猛壯而難擊

賊從戌上來將士猛壯銳勇不可擊

登明突急而難留

賊從亥上來多有突急銳兵奇伏之卒也

色象天機金來大逆

賊從申上來我以赤旗火陣應之四方皆此也

刀兵將入勾陳是的

正時占勾陳克日卽戰與刑併在鬪甲子東方也

勾陳制日兩軍合戰以爭雄

申酉作勾陳臨甲子爲刑金克申克申必戰戰在門兩傷四季神在外必有大戰也

井斗來臨彼此收戈而息怒

大小吉臨甲子日辰兵自解而不戰也井小吉斗大吉也

逢六害

若上將本命上見六害子未丑午寅巳卯辰申亥酉戌是也與三命六害同也

凶神必併於鬪傷

六害與凶神併者當今日時必敗克日大凶日值孤雄吉將堪逢於陣擊

孤者歲月后二辰是也孤者背而擊虛也正月起子爲孤以午爲虛二月丑爲孤未爲虛次十二月十二辰週而復始雄神背神臨擊雌者大

勝雄神者春寅夏巳秋申冬亥宜取爲精凡精凶神臨行年本命日辰大勝也

官軍欲勝勾制玄武

勾陳制玄武者所以必勝官軍利也主將年上神克與玄武白虎亦勝一說始終三傳前三五六合青龍也后二四太常太陰也如有氣天乙神臨將軍行年及用起天乙須有氣之鄉玄武陷死囚之地則戰勝若玄武臨日辰逢克時上勾陳勿戰而必敗天乙勾陳所乘神於克遊都

者必敗

損支坐敗

正神占于上神，遙克支上神，或于支克，乃上克下，皆爲坐敗也。

傷于行輸

支上神克于上神，或支或于下克上，爲主勝也。欲掠何鄉，戊巳須逢于吉將。

欲出潛兵劫掠，視天地二位，其日是何甲旬，次占地，占戊巳位，逢吉將時，出門有功名，凡天上

戊巳亦爲天將者，尤爲吉也。假令甲子旬中辰巳位，屬戊巳上下皆爲吉將者，必獲大勝將也。

前三後二

前三六合，后二太陰是也。

私門禁戶以相扶

有四禁戶者，除定危開爲地禁戶。若卯酉六太常太陰青龍歷其地，大吉，入水不傷，人火不傷，受天乙之祿也。

三路迷心時下隨置於孟仲

路逢三义欲知何道吉正時看天罡加孟左道
加季右道通仲中道通此下本軍大捷所求必
通

兩岐惑意日辰左右以規模

行逢道兩岐者干吉者左道通支吉者右道通
欲傷江河支于莫入

正時占之害水必漲有沉溺之灾

卯辰及酉

地有三井卯辰酉是也天有三河壬癸子是也

天河覆井以沉波、

正時占有三河、內一河臨地井者、覆水之厄、不可渡河也、

泊忌冲罡、太歲遭虛而禍急、

正時占見太冲、天罡加支、干風、濤神后支、干太歲、船行沉溺之災、

泥陷之地、天罡指處以堪行、

亦作泥池、干吉利陸、如有泥水、亦取天罡去通乾地也、一云、天孟勿前行、加仲勿中行、加季勿

支吉干傷、水面通船而宜立、

支吉利水路行、凡丙子癸丑癸未爲傷水龍日、
不可涉水、有沉溺之災、又戊寅巳卯亦凶、凡卯
爲船爲車、臨支爲船、臨干爲車、卯在旺相、車船
無損、在死囚之地、車船故破、乃占天罡、加孟前
有補處、加季尾有補處、

昏濛失路、執式天盤、

出林野賊、濛樹木大、林暗失路、執式盤於地、取

天罡加孟左行，加仲直行五十步，當得好道也。
參行意曉。

參宿傳送下，自然開路也。參卽申。

天角堪行，或臨孟仲季之方，舉兵不可悞也。

天角，天罡也。去必有路。天罡加孟左行，加仲直行，加季右往，卽通。角卽辰也。

以天罡地戶之頭，戴行情自開焉。

常以天罡地戶頭戴式行，則不迷惑。天門地戶，此空下有天門地戶。

丙壬憇歇

正時占丙丁壬潛行憇歇、

趨井房之清泉、

正時占小吉有井宿、太冲有房宿、其下可以求
泉或河、不出三百步、亦天道路也、

欲劫軍糧、向吳秦之太廟、

月將加正時大小吉、下必有劫糧、吳分大吉、秦
分小吉、此二位求糧必得、

大吉紫方、神后華蓋、

大吉爲紫蓋神后爲華蓋

能藏萬卒急行無害

凡吉急事須行藏者大吉神后可以掩襲必得也

大冲千騎

此下可藏千騎

從魁可遁百人

酉爲女后之神可藏百人

牛鬼參因天駟當潛不敗

凡伏兵及避惡可以從丑上去向未回向申立
定向未上去潛兵避惡追不可得也丑上有壬
宿未申上有井參宿也

青常陰合

青龍太常太陰六合是也

大梁大火以同居

火梁從魁酉大火大冲卯也

除定危開主將其方而喜在

除定危開爲地禁戶卯酉天乙之私門青龍大

常太陰六合併出其下大吉

急賊方所初傳五行

忽聞賊正時占只是初傳賊之位也

水爲北虜火作南征

亥子爲水巳午爲火

後見土神不意及巳季

辰戌丑未也

當初木位其謀必自其東溟

東方初傳見子亥是此方來也

地恐軍

軍行次山林石城間波澤恐有伏兵、
參軫虛房而速備、

正時占申巳子卯臨日辰必有伏兵、

參宜休卒蛇支獸干以尋驚、

神旺相與刑殺併者、大凶必有戰、有與刑殺併、
日能制支、伏兵不敢、功與蛇虎克日辰、有卒驚、
宜察之而備、

斗季損支邀截我後、

正時占天罡加季有伏兵支傷干吉伏兵在後也

干傷前伏陰陽左右

干傷支吉伏兵在前天罡加陽伏兵在左加陰在右

帶刑併殺旺相而猛將來爭

伏兵上子卯巳申併殺有旺相

無殺刑囚將弱而庸夫退驟

刑殺上空亡無氣者伏兵不敢起退

三刑五墓、日辰遇而夜防

正時占、日辰上見三刑五墓神加之者、主將宜徙營、不然大凶也、

蛇虎魁罡支干遭而宿候、

又占辰戌爲白虎騰蛇、臨支干者、皆有伏兵、夜防寅上至、

寨營心動、青龍常兮信使將來、

註曰、下營未定、心動者、正時占日辰上見青龍太常、必有來使也、

郊野目潤風雨暴今高陵欲就

正時占日辰上見魁罡蛇虎必有賊至占見卯
子臨日辰欲有暴雨就安高處置營

忽被圍遶日辰陰陽

經云傷不傷視陰陽正時四課日辰之陰陽不
去

交爭見損和好無傷

若支干被傷有惡闕相傷假令見吉神臨日不
傷

凡欲突圍、隨斗罡而可擊、

月將加正時、正罡所臨之方、黃帝曰、兵圍于後、占出路、以勾陳而取強、

假令寅卯爲勾陳、可宜四季之旦、從開星下去、吉、開星者、春房、夏張、秋申、冬璧、

審察其情、內神主出於天乙、深知其義、吾軍可動於龍驤、

正時占、初發動、初在天乙、后傳出在天乙前、可向、天罡可向、出而必動、

潛起掠地，玄神須壯，能制支干，戎兵必旺。

我欲掠他境，潛伏謀軍，正時占，乃視玄武所乘神旺相克日辰者，必捷也。

若乘四季，

玄武乘辰戌丑未四季爲神也，

忌甲乙爲東征，

忌甲乙日發行及行兵，行東方則凶，

曹冲二神，

玄武乘功曹大冲二神，

慮庚辛而西向、

忌庚辛日發兵、及兵行西方則凶、

龍頭莫犯、

凡攻城勿攻辰之神龍頭、必損主將

察支干以休囚、

凡旺相之日、外之氣強可戰、干氣強不可攻擊也、

背腹宜攻、要日辰之旺相、

攻城宜龍頭腹、必獲捷功、兵陰城龍頭在亥尾、

在巳腹魁背辰陽城龍頭在巳尾在亥腹辰背
魁攻之必拔

於法式以昭昭知軍情之蕩蕩

明視法式明心清淨使軍心之定孤虛者空亡
爲孤對冲爲虛一說歲后或日月后是孤對冲
是虛以攻擊背孤向虛者吉

經曰怖不怖視五墓敗不敗視六害闕不闕刑相
簇此將軍玉帳之珍乃帝王金門之寶

備志卷一百八十四

防風茅元儀輯

占度載

占三十七

大六壬兵帳鈎玄

野宿安營第一

日晚行疲欲建營支干逢墓不安寧

元經曰五墓併日辰者夜必有賊兵至宜防之
五墓者春未夏戌秋丑冬辰

假如春占乙丑日巳時亥將小吉加丑日支逢墓主本夜有賊偷營宜備之無虞

十干忌例

甲乙木忌未丙丁火忌戌庚辛金忌丑戊癸巳壬忌辰

卯辰巳今宜防賊兵書說此忌三刑

其法以卯辰巳三刑若臨日辰主本夜有賊兵至

兵法曰三刑五墓日辰逢而夜防賊至

假如壬戌日申時寅將支干并逢墓刑餘倣此
但若魁罡爲恐怖

占法不分四季但凡辰戌臨日辰主本夜有驚
恐

假如癸未日未時戌將其支逢魁其十逢罡主
本夜有驚恐

將兼蛇虎重遭驚

占法以月將用貴神若騰蛇白虎臨日辰者則
主本夜有賊兵至

假如辛卯日戌時寅將其日支逢騰蛇主本夜有驚恐宜備之餘倣此

大吉臨干宜急去

占法以月將加時若大吉臨干不宜安營去之吉

假如丙子日辰時子將占大吉臨干宜急去擇地居之吉

不逢斯將卽堪停

以月將加正時不分二刑五墓蛇虎魁罡大吉

若不臨干但任立營吉、

行擇吉道第二、

遇寇途中擇路行、馬蛇爲武北休征、見木爲之忌、
申酉庚辛南往不宜兵、玄武畏方爲厄地、軍師須
要會其情、

兵書曰、玄武所畏之方、不宜行兵、

假如丙申日巳時酉將、占乃功曹爲玄武、不可
西行、

軍行擇路實多途、更以陰陽作歲模、

其歲論陰歲陽歲子寅辰午申戌爲陽丑卯巳未酉亥爲陰也

陽歲大吉來加上陰歲還將小吉鋪丙丁之下爲天道甲庚之下是人居

陽年以大吉加大歲陰年以小吉加大歲尋甲庚丙丁之方行軍吉

假如甲午年以大吉加午向未戌子丑方合甲庚丙子之方吉又如癸卯年以小吉加卯向辰戌丑卯方合甲庚丙丁之方吉蓋甲在寅丙在

巳庚在申丁在未寅巳申未所臨之方是也
惟此四方臨處吉其餘方所並凶乎
凡行軍向此四方大吉餘倣此

察賊所在第三

聞賊未知其所在加時春乙夏居丁秋辛冬癸名
天目賊當此下伏其形

聞賊不知所在以月將加正時視天目所臨之
方賊必王其下也

天目者春乙夏丁秋辛冬癸

假如十月癸卯日巳時寅將，癸在子前，大吉臨辰，故知賊在東南方。

途中前後疑逢賊，大吉所臨知賊程。

神樞經曰：欲知賊在何所，以月將加正時，視大吉所臨之方，則知賊之所在也。

臨於子午大衝下，如加辰戌伏，登明寅申賊居參宿下，丑未必應藏軫星，卯酉却於從魁伏，巳亥還大吉停。

停者，大吉方停止也。若大吉臨子午，賊必

伏於大衝下、大吉臨寅申、賊必伏於參宿申下、
假如丙子日巳時酉將、大吉臨酉、賊伏正西從
魁酉下、餘倣此、

兼行旺相難衝擊、設法抽軍別路行、

占賊所在、須要察其刑旺之方、如甲子日行在
東方、謂卯刑子、子刑卯也、

旺如春占得木、夏占得火、秋占得金、冬占得水、
相如春火、夏土、秋水、冬木、是也、

假如夏丙寅日申時申將、大吉臨丑、賊伏巳方、

軫星下巳屬火夏旺乃賊居旺地有兵旅之責者不可妄攻餘倣此

疑賊前後第四

賊近我軍推後先加時占測用防奸巳申子卯臨支後立在于頭巳在前干若臨支寇當路支若臨干隨我軒

占賊前後看巳申子卯四神臨干賊必在我之前若臨支賊必在我之後若不臨支干前後俱無賊若支干俱臨前後俱有賊

疑賊伏兵第五

恐賊埋軍居要程支干上訣最通靈子卯巳申來
干覆一云支復立敵寇奸邪佈伏兵

出軍安營恐有伏兵以正時占之若巳申子卯
臨支干者主有伏兵不臨支干者無伏兵

假如巳丑日申時卯將申臨丑支主有伏兵

旺相帶刑逢必戰休廢空亡不敢征

旺相者論四季如春占木旺火相夏占火旺土
相秋占金旺水相冬占水旺木相

假如春占甲戌日申時酉將卯臨干此神爲旺相主有伏兵、

帶刑者如巳臨寅子臨卯申臨巳卯臨子之類是也、

假如戊子日寅時巳將占申臨巳此神旺相帶刑主有伏兵、

又如乙卯日寅時亥將子臨卯空亡帶刑主無伏兵、

干傷前伏支傷後支干俱損莫冲驚、

千受傷有伏兵在前支受傷有伏兵在後千支俱受傷主前後俱有伏兵

如丁卯日申時亥將戌臨千午臨支千支俱無傷主前後皆無伏兵

抽軍避寇第六

賊勢憑凌我未強抽軍回避向天罡係孟直須後右隱仲季偏宜向左藏

若途中逢賊他強我弱以月將加正時視天罡所在如孟宜向右邊避之仲季宜向左邊避之

吉、

假如乙亥日辰時未將、天罡加季、宜向左邊避之也、

從魁大衝爲勝地、天上申加爲好方、凡出宜向從魁大衝方下去之吉、

假如乙酉日巳時申將、則從魁臨午、大衝臨子、宜向子午方吉、只忌旺方、

忌旺方者、春不宜行東、夏不宜行南、秋不宜行西、冬不宜行北、

渡關覘賊第七

覘賊行程渡彼關、

我之師欲行程而渡彼之關、將覘賊之情事以爲進止、

行年歲月日冲難、

行年太歲月建日辰冲破下切不可去、將軍與去人同之、

日干上將休囚惡、

假如春占日辰上見登明神后從魁傳送太陰

玄武白虎天后此神爲休囚故惡之

旺相相生去卽安

假如秋占日辰上見傳送從魁登明神后太陰
玄武白虎天后此神爲旺相度關安妥無虞

占賊來否第八

賊欲相凌切要知遊都作限用占之遊都甲巳常
居丑乙庚在子丙辛寅丁壬居巳言非謬戊癸從
申更不移要知賊伏藏人馬遊都之法定然真
此言遊都逐日所在甲巳日尋丑乙庚日尋子

丙辛日尋寅丁壬日尋巳戊癸日尋申

入云庚臨丙兮賊信方來丙臨庚兮寇情欲退
正與奇門白入熒兮賊卽來熒入白兮賊須滅
同意

遊都復日今將到前之一日在明期

兵書曰遊都加今日日辰賊主今日到前之一
日明之一日到也

假如辛卯日未時巳將占賊來否以月將加正
時寅爲遊都加辰居辛卯日辰之前一辰主賊

明日卽到也。

二三依次須防禦，若臨前四不侵圖，
若遊都臨日辰之前二辰，主賊後二日到，臨前
三辰則後三日到，若臨日辰之前四辰，謂其賊
已過去爲必無來意。

假如壬午日午時寅將占，以月將加時，巳爲遊
都在酉居日辰之前三辰，主賊後三日到，
遊都旺相支干畏賊勢，憑凌難守持，
若遊都旺相而克支干者，其賊勢猖獗難當。

假如春丙辛日占寅爲遊都旺，謂木旺於春也。丁壬日巳爲遊都，相謂巳屬火而寅生之，是相也。朴齋曰：若是遊都旺相，加休囚死地者，賊勢雖旺必敗，遊都囚死加旺相地者，賊攻城池，若勾陳克遊都者，賊必敗，不克者未敗也。

旺相休囚生克例

同類者爲旺，我生者爲相，我克者爲休，克我者爲囚，生我者爲死。

遊都加處喜降卒。

言上下相生爲喜，若遊都加處上下相生，無克賊主，不戰有降。

假如丙辛日，以寅爲遊都，如亥子之地，此乃上下相生，又是旺生之方，故不戰有降也。

畏下難侵，大戰時。

謂遊都加所克之地爲畏。

假如丁壬日，以巳爲遊都，加亥子之地，巳火受克，故爲遊都所畏之方，不宜爲客也。

若在東南災稍重。

經曰遊都臨東方賊勢必猖狂又曰或居東方
猛烈兮早堅城壘或當南面威武兮速備關津
臨之西北禍當微

經曰遊都在西宜以撈兵遊都在北禦奸振旅
又曰在西遲疑可息餉士居北退閑戲玩佳美
不見遊都視天乙臨處還如都將推

遊都逐日有在如何不見謂離日辰遠故曰不
見也天乙者貴人之名也還如都將推者謂尋
貴人臨處照依遊都之法推之

假如庚子日亥時丑將以月將加正時遊都在
子臨戌退于日支後二辰故日不見今乃不見
遊都當視天乙所臨以當之抑天乙本貴人之
名居十二神之首亦以月將加正時見小吉爲
貴人加巳在日辰之前五辰主賊已過他境必
不來也

子辰巳未加今日賊到猖狂疾似飛

聞賊之時若子辰巳未臨日辰者主賊到自速
假如甲寅日未時戌將巳臨日辰主賊到即又

遁回丙辰日復來也

聞賊去審第九

傳聞賊去尚疑奸却把天罡占試看加孟未行加仲去加季行行已出關

三元經曰寅申巳亥爲孟子午卯酉爲仲辰戌丑未爲季

靈轄經曰占賊已去未去以月將加正時視天罡所加卽知去否

其法以月將加正時若天罡加孟主賊未去加

仲欲要去加季必已去矣

假如十一月甲辰日午時丑將天罡加酉主賊將去也

大吉臨干將出界不然猶自固難留

此專視大吉臨干主賊必啓行已出我之地界不臨干尚未也

假如乙酉日午時卯將占大吉臨干賊已出界訖

突圍出處第十

復兵圍不要忙卽尋出路向天罡

太公曰兵圍千里斗到必通其法以月將加正時向天罡下出走大吉也

假如丁酉日巳時亥將天罡到戌宜向西北乾方逃避之吉

若值降官申酉地

以月將加正時若亥加子午卯酉爲之降官宜向申酉方出吉

假如丙午日未時卯將亥臨卯爲降官宜向申

酉之方出吉、

明堂時往大衝方、

月將加正時、若子臨子午、卯酉爲之明堂、宜向卯方出吉、

假如戌申日、卯時午將、子臨酉爲明堂、向卯方出吉、

玉堂宜貴天罡下、

月將加正時、丑臨子午、卯酉爲之玉堂、宜向辰方出吉、

利若鋒鏖八極張

謂兵歷危險之地卒逢敵人勢甚不利宜向天
罡下走出吉此爲八極張也

朴齋曰八極者人極也天罡者八極開張之地
也凡避人走勢宜從天罡下出去自吉

日辰上將相生吉相克如今見損傷

兵法曰傷不傷視陰陽凡被兵圍視日辰上無
傷吉若日辰有傷決主傷損將兵也

假如甲子日辰時丑將法以月將加正時順數

至本日支辰上見酉爲從魁，金神也。至日干寅上見亥爲登明，水神也。此二將俱不相傷，無慮。今日戰敵第十一。

兩軍相守已經時，今辰憂戰欲占之。

謂兩國將兵對壘相守多時，今日恐見陣，故占其吉凶何如耳。

勾陳克日刑併鬪，不克無刑，各護持。大小吉臨支干上，兩軍俱自解其圍。

占今日戰否，當視勾陳克日，必有戰。若刑併者。

尤的、

假如甲寅日未時丑將、占乃酉爲勾陳屬金、日干屬木、被勾陳克之主、其必見陣也、

又如丁丑日酉時卯將、占未加丑、丑加未、是大小吉加於支干之上、兩軍決戰不成、

斗罡加孟須堅守、加仲相傷彼此疲、加季出兵攻、擊勝、若人知此合天機、

月將加正時、若天罡加孟固守無戰、加仲必主營戰互傷之象、加季出兵急擊大勝、

孔明曰凡有兵戎之責者皆准天罡叅看無往不利

欲戰審刑第十二

六害加臨年命上此時攻戰自遭刑

若將軍本命行年上見六害與凶神併者當日
時出戰必敗爲將者不可不慎也

六害者丑午害寅巳害子未害卯辰害申亥害
酉戌害謂之穿心六害

假如主將本命甲午壬寅日卯時戌將占大吉

臨千馬牛相畏爲六害與本命相關此時不宜
攻戰凶

白虎若加凶更甚

假如丙丁日辰時午將主將本命壬寅白虎加
之凶

日辰還忌切須明

若日辰之上亦忌白虎加之凶

假如申戌日酉時午將白虎臨日辰極凶此時
出戰必敗爲將者又當勗諸

戰雄用起春寅勝夏巳秋申冬亥并

戰雄者春寅夏巳秋申冬亥

其法專以主客論若雄臨于客勝雌臨支主勝
假如丙寅日未時丑將亥爲戰雄臨于客勝

衝破爲雌值凶惡此術標題龍首經

戰雌者春申夏亥秋寅冬巳

雄對冲者是也雌臨于客敗雄臨支主敗

假如春占巳卯者酉時戌將申爲戰雌臨于客
敗

決定勝負第十三、

兩軍交戰誰當勝主客後先看日辰、先起爲客後起主將若明之不陷軍、

其法專以日辰干支分主客先起者爲客後應者曰主故爲將先明主客然後方決勝負、不可不察也、

干克支兮利爲客、支克干兮宜主人、

若干克支、利爲客、宜先起兵、支克干、利爲主、宜後舉兵也、

假如乙未日未時酉將、午臨干、酉臨支、謂干上
午火克支上酉金、乃上克下、客勝、宜先舉兵、
孔明曰、干爲上、支爲下、看干支所得之神、論生
克也、

本將行年宜制虎、

主將行年本命、若克白虎吉、而師有功、白虎克
主將年命、凶敗也、

假如壬戌日午時寅將、主將本命乙丑、河魁爲
白虎、丑戌相刑、與本命刑克、凶、

不然須見克勾陳、

主將行年本命不能制虎、而能克勾陳者、亦吉、
假如丁卯日巳時午將、主將本命壬寅、未爲勾
陳、本命上得卯木克之、是勾陳受克、利行軍、吉、
無此卽須勾克武、

旣不制虎、又不克勾、只看勾陳克玄武、亦吉、勾
克武者、論天上勾陳玄武相克是也、

假如乙丑日丑時辰將、則天罡爲勾陳、登明爲
玄武、故曰勾陳克玄武、最利行軍、

勾陳利克賊方神、賊方之上勾陳立、天乙遙能制下辰、

凡勾陳所乘之神、能克賊方之神、卽勝、

假如丙丁日寅時亥將、賊居午地、大衝爲勾陳、在午、是賊方之上勾陳立、遙者、遠也、今勾陳立於賊方之上、無從制之、故取天乙所乘之神、亥水、遙克賊方午火、使賊不得力而易敗耳、故曰天乙遙能制下辰、

遇此敵降天滅寇、佑我行師得大勲

若主將行年水命刑克勾陳白虎或勾陳克玄武或天乙遙克賊方之神謂之天滅其寇也大
利